

आकाशवाणी

खास-खास खबरां

1. प्रधानमंत्री नरेन्द्र मोदी होरें भारत दे आर्थिक विकास गी बढ़ाने दे सरबंघ च आर्थिक सलाहकार परिषद दे सदस्ये कन्नै बैठक दी प्रधानता कीती।
2. भारती रिजर्व बैंक ने विदेशी रास-पूंजी आकर्षित करने ते इसी जारी रखने लेई विदेशी पोर्ट फोलियो निवेशके कन्नै जुड़े दे केई नियमें च छूट दिती।
3. अंके दी वेरिफिकेशन ते रि-इवेल्यूएशन लेई आवेदन करने आस्तै सी.बी.एस.ई ने तरीख अगगे पाइयै कल तोड़ी समय दिता।
4. पंजाब च फिरोजपुर फाजिल्का सिडक पर इक गड्डी दे ट्रक कन्नै बज्जने करी 9 लोकें दी मौत होई गई ऐ।
5. भारती मौसम विभाग ने केरलम ते माहे च खरी मती बरखा पौने आस्तै रैड अलर्ट जारी कीता।
6. हॉकी च काकामिगाहारा च भारती पुरुषे दी टीम ने जापान गी फाइनल च 4-1 कन्नै हराइयै त्री बारी फही Under-18 एशिया कप अपने नांस किता।
7. क्रिकेट च टी-20 अंतराष्ट्री दे नमें कप्तान श्रेयस अययर बने- टीम च वैभव सूर्यवंशी गी बी पहली बार शामिल कीता गेआ।

<><><><><><>

PM-Pragananda

प्रधानमंत्री नरेन्द्र मोदी होरें नार्वे शतरंज 2026 दा खिताब जित्तने पर आर. प्रगानंद होरें गी बधाई दिती ऐ। सोशल मीडिया दी इक पोस्ट च श्री मोदी होरें आखेआ ऐ जे एह शानदार उपलब्धि उन्दी लगातार उत्कृष्टता गी दर्शादी ऐ। प्रधानमंत्री होरें उन्दे भविष्य दे जतने लेई बी शुभकामनां दितियां ना। तोंआई लोकसभा अध्यक्ष ओम बिरला होरें बी नार्वे शतरंज-2026 दा खिताब जित्तने पर प्रगानंद होरें गी बधाई दिती ऐ। सोशल मीडिया दी इक पोस्ट च श्री बिरला होरें आखेआ जे प्रगानंद हुंदी असाधारण प्रतिभा- समर्पण ते काबिले ज़िक्र निरंतरता देसै दा मान बधां दे होई आलमी मंच पर भारती शतरंज दी बधदी ताकत गी दर्शादी ऐ।

<><><><><><>

My Bharat

युवा मामलें ते खेड्डें सरबंधी मंत्री डाक्टर मनसुख मांडविया होरें आखेआ ऐ जे नौजवान राश्ट्र दी सच्ची ताकत ते विकसित भारत दे सुखने गी सच करने आली प्रेरक शक्ति ना। नमीं दिल्ली च आयोजित “मेरा भारत- युवा सम्मेलन” गी सम्बोधित करदे होई डाक्टर मांडविया होरें आखेआ जे देसै दी 65 फीसद आबादी 35एं बरें शा लौहकी उम्री दी ऐ ते इयै भारत गी दुनिया दे सबनें शा युवा-देशें चा इक्क बनांदी ऐ। उनें आखेआ जे प्रधानमंत्री

नरेन्द्र मोदी हुंदे नेतृत्व च सरकार राष्ट्र निर्माण ते भारत गी इक विकसित राष्ट्र च बदलने दे लक्ष्य दी दिखा च युवाएं दी ऊर्जा ते समर्थ गी स्टेई दिशा देने लेई लगातार जतन करा रदी ऐ।

<><><><><><>

PM Economic Advice

प्रधानमंत्री नरेन्द्र मोदी होरें अज्ज प्रधानमंत्री- आर्थिक सलाहकार परिषद दे सदस्यें कन्नै बैठक दी प्रधानता कीती। प्रधानमंत्री ते परिषद ने आलमी सतह पर जारी उथल-पुथल दे दौर च भारत दे आर्थिक विकास गी होर बढ़ावा देने लेई बक्ख-बक्ख विचारें ते उपायें पर चर्चा कीती। जीवन स्तर ते कारोबार च सखाल लेई बक्ख-बक्ख सुधारें पर बी बैठका दुरान बचार- बटांदरा कीता गोआ। सदस्यें पच्छिम एशिया संघर्ष दे भारत पर पौने आले असर दा बी आंकलन पेश कीता।

<><><><><><>

AAI MoU

बहाई अड्डे सरबन्धी भारती प्राधिकरण ने देश-भरै दे बहाई जातरिएं लेई क्रेक्टिविटी गी मजबूत करने दे मकसद कन्नै दंडु निजी कैब-कम्पनियें दे कन्नै समझौता जापनें पर दस्तखत कीते न। प्राधिकरण ने सोशल मीडिया दी इक पोस्ट च आखेआ ऐ जे इनें समझौते दे तैहत भारत दे प्रमुख बहाई अड्डे पर जातरिएं गी निविघ्न- किफायती ते भरोसेमंद कैब-सेवां उपलब्ध करोआइयां जाडन- जिंदे”नै उं”दी जातरा मती अरामदायक बनग।

<><><><><><>

Rajnath Economy

रक्षामंत्री राजनाथ सिंह होरें अज्ज आखेआ जिसलै मते सारे देश आर्थिक अस्थिरता दे दौरै चा लंगगा देन- उस्तै बी भारत दुनिया दी तेजी कन्नै अगगे बढने आली अर्थबवस्था बने दा ऐ। वित्तीय बरे 2025-26 च 7.7 फिसदी सकल घरेलू उत्पाद यानि GDP विकास दर्ज होने दा हवाला दिंदे होई सिंह होरें आखेआ जे भारत दी मजबूत अर्थबवस्था दी साख पिच्छले 12 बरें च बनी ऐ। इक सोशल मीडिया पोस्ट च सिंह होरें आखेआ जे प्रधानमंत्री नरेन्द्र मोदी उंदी सरपरस्ती च भारत स्थिरता- आत्मविश्वास- टिकाऊपन कन्नै आर्थिक विकास करा रदा ऐ।

<><><><><><>

IMD Weather

मौसम विभाग नै अज्ज केरलम ते माहे च तेज बरखा ते किश थाहरें पर बड़ी मती बरखा दी चेतावनी जारी कीती ऐ। उत्तर पूर्वी भारत- कर्नाटक- तमिलनाडू- पुद्दुचेरी ते कराईकल दे किश हिस्सें च बी अज्ज मोलाधार बरखा दे असार दस्से गे न। उप-हिमाली पच्छिमी बंगाल- तेलंगाना- कोकण- गोवा- मध्य महाराष्ट्र- राँयल सीमा- अंदमान निकोबार द्वीप समूह ते लक्षदीप च बी मौसम इसै चाल्ली दा बने रौहने दे आसार दस्से गे न। मौसम विभाग नै अज्ज दिल्ली- हरियाणा- चंडीगढ़- पंजाब- उत्तराखंड- पूर्वी उत्तर प्रदेश- मध्य प्रदेश- झारखंड ते जम्मू-कश्मीर च बिजली कड़कने ते तेज अंधी झक्खड़ औने दी बी शैकां जताई गेदी ऐ। तोंआई बिहार-छत्तीसगढ़- ओडिशा ते राजस्थान च बी अज्ज अंधी-झक्खड़ आहला मौसम बने दा रौहग- जिसले के आंध्र प्रदेश दे समुन्द्रै कन्नै लगदे इलाके च अज्ज गर्म बहा चलने दे असार दस्से गेन।

<><><><><><>

Punjab Acc

पंजाब च फिरोजपुर-फाजिल्का सिडक पर अज्ज बडुलै इक गड्डी दे ट्रक कन्नै बज्जने करी 9 लोकें दी मौत होई गेई ते 22 घायल होई गे। मरने आहले इक्को परोआर दे सदस्य हे ते अपने कुसा रिश्तेदार दी अस्थियां बिआस च परवान जा रदे हे। केई जनें दी मौत मौके पर गै होई गेई। घायलें गी फिरोजपुर सिविल अस्पताल ते फरीदकोट मैडिकल कालेज इलाज आस्तै भर्ती करवाया गोआ ऐ।

<><><><><><>

India-US Army

भारत-अफ्रीकी सेना ते सैन्य अमले दी गल्लबात दा 29मां संस्करण हवाई च आयोजित होआ जेदी अध्यतक्षता ल्यूटिनेंट जनरल राजीव घई- सैन्य अमले दे उप-प्रमुख ते ल्यूटिनेंट जनरल जो वोवैल ते अमरीकी सैन्य प्रशांत डिप्टी कमांडिंग जनरल होरें कीती। चर्चा दौरान मता ध्यान दपक्खी रक्षा सहयोग- अंतर कार्यक्षमता बढाने- सैन्य सांझेदारी गी मजबूत करने पर दिता गोआ।

<><><><><>

Mango

मैंगो-मैजिक फैस्टिवल “अम्बे दी भारती किस्में दा स्वाद ते बाद्दा” दे दुए संस्करण दी मेजबानी अज्ज सीअट्टल अमरीका च किती गेई। भारती फलें दा आयात करने आले बड़ी संख्या च इस मौके मौजूद हे इंदे च अमरीका दे परचून विक्रेता कम्पनियां जियां कोस्टको ने भारती अम्बे दी 7 उम्दा किस्में दा स्वाद चक्खेया। इंदे च अलफोंसी ते केसर महाराष्ट्र थमां आंध्र प्रदेश थमां बांगनपाल्ली ते हिमायत- उत्तर प्रदेश थमां लंगड़ा ते दशहरी ते गुजरात थमां राइप राजापुरी शामिल हे। Casot..... दे उपप्रधान बोब इस्के होरें इस बारे अपने विचार रखदे होई आखेआ जे उनें हाल च गै भारती केसर अम्ब बेचना शुरू करिते न ते ए किस्म बड़ी तेजी कन्नै बिका दी ऐ।

<><><><><>

RBI –FPI's

भारतीय रिजर्व बैंक नै विदेशी रास पूंजी आकर्षित करने ते इसी जारी रखने लेई विदेशी पोर्ट फोलियो निवेशकें कन्नै जुड़े दे केई नियमें च छूट दिती ऐ। सरकार आसेआ दिती गेदी रियायतें गी मलाइयै- इनें जतनें दा मकसद भारतीय दोआर बजार च विदेशी रास पूंजी गी आकर्षित करना ते रपे दी स्थिति गी मजबूत बनाना ऐ। घोषित कीते गेदे नमें बदलावे च केई प्रतिबंध हटाना- निवेश दिएं उपश्रेणियों गी इक्के सीमा च रलाना- नमें बांड जोड़ना- दोआर दी सीमा- माली बरे 2027 लेई विदेशी निवेश दी समग्र प्रतिशत सीमा गी बरकरार रखदे होई कुल मौद्रिक सीमा च बाद्दा करना बी शामिल ऐ।

<><><><><>

BCCI

BCCI ने अज्ज इंग्लैंड ते आयरलैंड टूर आस्तै 16 सदस्यीय टी-20 अंतराष्ट्री स्कवैंड दी घोषणा किती ऐ। श्रेयस अय्यर होरेंगी भारत दा नमां टी-20 । कप्तान बनाया गया ऐ। तिलक वर्मा होर उप कप्तान होगन। BCCI ने नमें उभरदे खडारी वैभव सूर्यवंशी दे बी IPL 2026 च अच्छे प्रदर्शन गी दिक्खदे होई इस टीम च थाहर दिती ऐ। प्रिंस यादव होर बी टीम च शामिल ना। टीम इंडिया दी पुरुष नियुक्ति कमेटी ने मुख् चयनकर्ता अजित अगरकर ते BCCI सचिव देवाजीत साईकिया उंदी अध्यक्षता च इक बैठक दे मगरा टीम दी घोषणा कीती। एलीम आयरलैंड ते इंग्लैंड दे दौरे दे इलावा जापान दी एशियाई खेडुं ते श्रीलंका च खेडोग।

<><><><><>

Mouritious Entry

मॉरीशियस ने थोड़े चीरे आस्तै विदेशियें दे आगमन पर रोक लाई दिती ऐ जेडे पिच्छले 21 दिने दौरान कोंगो-यूगांडा जा दक्खन सूडान दी यात्रा करी चुके न जां उत्थुआं आए ना। ए फैसला इबोला वायरस दे संक्रमण गी दिक्खदे होई लैता गेआ। मॉरीशियस दे नागरिक ते विदेशियें गी जिंदे कोल परमिट ऐन-उनेंगी देश च दाखला दिता जा रदा ऐ। मगरा उनेंगी 21 दिनें तोड़ी बक्ख नखेडिएं रखेया जाग- अगर ओ पिच्छले 3 हफ्ते दौरान इन्दे बिंचा कुसा बी देश च होइयै आए ना।

<><><><><>

Iran-US

ईरान दे सुप्रिय नेता मोजताबा खामेनेई उन्दे सैन्य सलाहकार मोहसीन रेज़ाई होरें अमरीका दे राष्ट्रपति डोनाल्ड ट्रम्प होरें गी इज़रायल दी भूमिका दे बगैर अपना फैसला देने मध्य जल डमरु गी अवरुद्ध नेंही करने ते ईरान दी जब्त सम्पत्तियें गी छोड़ने आस्तै आखेआ ऐ। टेलीविजन चैनल कन्नै इक साक्षात्कार चैनल कन्नै इक साक्षात्कार च रेज़ेइ होरें आखेआ जे दवै बक्खी थमां गल्लबात बंद ऐ ते ट्रम्प होरें गी इसी शरु करना चाईदा। उनें आखेआ जे अगर अमरीका- ईरान कन्नै कोई सहमति बनाना चाहंदा ऐ ते उसी ईरान दी जब्त सम्पत्तियें गी छोड़ना चाईदा ते अमरीका गी इस टैस्ट च पास होना चाईदा ते एदे बाद रस्ता बी खुल्ली जाहग।

<><><><><>

Delhi Malviya

मालविया तगर अग्न लगने दी घटना दे सरबन्ध च दिल्ली पुलिस ने इक होटल दे खानसामे गी गिरफ्तार किता ऐ। 3 जून गी मालविया नगर दे इक होटल च अग्न लगने करी 21 लोकें दी मौत होई गई ही ते 40 लोक घायल होई गे हे। पहले पुलिस ते गैर-इरादतन हत्या दे चार्ज हेठ होटल दे मालिक गी गिरफ्तार किता हा। पुलिस ने दस्सेआ ऐ जे अग्नो दी जांच ते कारवाई किती जा रदी ऐ।

<><><><><><>

CBSE

सी.बी.एस.ई. ने वेरिफिकेशन ते रिवेल्यूएशन आस्तै आवेदन करने दी अखीरी तरीक बदाई दिती ऐ। इक सोशल मीडिया पोस्ट च बोर्ड ने आखेआ ऐ जे छात्र ऐतवारें रातीं तोड़ी आवेदन करी सकदे न। ए फैसला छात्रें दे हित गी ध्यान च रखदे होई लैता गेआ जे आवेदन करने आस्तै उनेंगी बादू समय थहोई सके। पहले आवेदन करने दी अखीरी तरीक 6 जून ही।

<><><><><><>

India Solar

केन्द्री संस्कृति ते पर्यटन मंत्री गजेन्द्र सिंह शेखावत होरें अज्ज आखेआ जे भारत दी सौर ऊर्जा क्षमता पिच्छले 12 बरे च 2.8 गिगावाट पुज्जी गई ऐ। इक सोशल मीडिया पोस्ट च शेखावत होरें आखेआ जे 4 करोड़ शा बद् घरें गी सौर ऊर्जा दे जरिए रोशन किता गया ऐ। राई-बाई क्षेत्र च बी सौर ऊर्जा दे बद्दे इस्तेमाल कन्नै पर्यावरण संरक्षण गी बी पक्का किता जा रदा ऐ। हर छत गी सौर ऊर्जा दा जरिया बनाना हर घर गी ऊर्जा स्रोत बनाना ते हर खेत्तर च ऊर्जा विकसित करने दे धेइए कन्नै- भारत 5 सौ गिगावाट परतिए इस्तेमाल होने आली ऊर्जा क्षमता हासल करने बक्खी तेजी कन्नै बदा रदा ऐ।

<><><><><><>

Hockey U-18 Asia Cup

हॉकी च भारत दी पुरुष टीम ने त्री बारी Under18 एशिया कप अपने नां किता। काकामिगाहारा च जापान गी 4-1 कन्नै भारत ने हराया। भारत आस्तै आशीष पुर्ती ने हैट्रीक बनाई कीजे स्किपर केतन कुशवाद ने दूआ गोल कीता। गाकु नुमादा ने मेजबान टीम आस्तै इक गोल किता। तोंआई भारती महिला टीम ने दक्खन कोरिया गी 3-0 गी हराइयै कै दा तगमा हासल कीता।